

# Spargnar per la pensiun daventa pli attractiv

## La BCG lantscha in nov fond da provediment cun ina quota d'aczijs flexibla

Cuira, il 1. da november 2018 – La Banca Chantunala Grischuna (BCG) amplifitgescha sias soluziuns da provediment e lantscha cun il fond da provediment 25 in nov product. Uschia reagescha la banca sin l'ambient da tschains bass e pussibiliteschas meglras schanzas da rendita che cun spargnar sco usità.

Per las spargnadras ed ils spargnaders resta la situaziun tendida pervi dal nivel da tschains bass. La Banca Chantunala Grischuna reagescha e procura cun il fond da provediment 25 per ina nova soluziun da provediment. Las investidras ed ils investiders profitan cun ils fonds da provediment BCG da meglras schanzas da rendita che cun il conto spargnar 3. Plinavant pon els spargnar taglia, perquai ch'ins po deducir da l'entrada suttamessa a la taglia ils imports pajads.

### Ina quota d'aczijs flexibla per temps burascus a la bursa

Ils fonds da provediment BCG sa distinguan tras ina quota d'aczijs flexibla. La basa è il management da ristgas cumprovà da la BCG. Il sistem mesira mintga di la ristga dal martgà a maun da differents facturs. Sche quella cuntanscha in cunfin critic, adatteschan ils managers da fonds da la BCG immediat la quota d'aczijs. Uschia pon ins reducir eventualas sperditas da facultad durant temps burascus a la bursa. Grazia a questa controlla da las ristgas ed a la strategia d'investiziun dinamica disponan ils fonds da provediment BCG d'ina schanza da rendita surproorzionala en confront cun auters products cumparegliabels.

### Pussaivladad d'investir gia pitschens imports

Il nov fond da provediment 25 cun ina quota d'aczijs da fin 35 pertschient vegn dirigi activamain da spezialists da la BCG. Per la subscripsiun n'è necessari nagin import minimal. Las investidras ed ils investiders decidan sezs, quant e cura ch'els assegnan daners. Pajaments pon ins era far facilmain cun in'incumbensa permanenta. Suentar la pensiun pon ins manar vinavant ils fonds da provediment senza taxas e custs en il deposit ordinari.

La BCG regala la cumissiun d'emissiun a las investidras ed als investiders che investeschan fin ils 31-1-2019 en in fond da provediment BCG. Las possessuras ed ils possessurs d'in terz fond han en pli la pussaivladad da midar gratuitamain enfin la fin da schaner 2019 en in fond da provediment BCG. Ulteriuras infurmaziuns sut [gkb.ch/vorsorgefonds](http://gkb.ch/vorsorgefonds).

### Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11  
Nadja Maurer, [nadja.maurer@gkb.ch](mailto:nadja.maurer@gkb.ch), telefon +41 81 256 88 01

La Banca Chantunala Grischuna sin:

[gkb.ch/medien](http://gkb.ch/medien) | [Twitter](#) | [Facebook](#) | [YouTube](#) | [Flickr](#) | [Xing](#)

---

**Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. La banca occupa 996 collavuraturas e collavuratur (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 53 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaquint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

**Termins**

Quint annual 2018: 8 da favrer 2019  
Radunanza dals participants: 4 da matg 2019

---